

12 FEB 1996

DR MAHATHIR LANCAR BANTUAN DUNIA UNTUK BOSNIA

KUALA LUMPUR, 12 Feb (Bernama) -- Perdana Menteri Datuk Seri Dr Mahathir Mohamad akan melancarkan rayuan kemanusiaan sedunia bagi Bosnia-Herzegovina melalui Internet di Auditorium Memorial Tunku Abdul Rahman Putra di sini Jumaat ini.

Kementerian Luar dalam satu kenyataan di sini hari ini berkata rayuan itu adalah inisiatif sektor swasta Malaysia untuk membantu mewujudkan kesedaran dan mendapatkan sokongan dunia bagi membantu dan membangunkan semula negara Balkan itu yang musnah akibat peperangan.

Dr Mahathir akan juga melancarkan buku berjudul "Bosnia - Beyond Words, Beyond Tears," (Bosnia - Tanpa Perkataan, Tanpa Air Mata) satu dokumentasi bergambar mengenai kekejaman yang berlaku di Bosnia-Herzegovina semasa perang itu. -- BERNAMA

AZZ WAT AKD